



Inatsisartuni ilaasortaq
Karl Tobiassen, Siumut
/Maani

Niaqornani innuttaasut, Niaqornanut uterlutik nuukkusuttut pillugit § 37 naapertorlugu apeqquteqaammut nr. 041-2021-mut akissut

Asasara Karl Tobiassen

Inatsisartut suleriaasianni § 37 naapertorlugu Niaqornani innuttaasut, Niaqornanut uterlutik nuukkusuttut pillugit Naalakkersuisunut apeqquteqaateqarput. Apeqquteqaatitit uannit akisassatut innersuunneqarput.

1. Niaqornani najugaqarsimasut, Niaqornat inuerusagaammatagoq, Niaqornanut uterlutik nuussinnaajunnaarsitaasimasut Naalakkersuisut uppernarsarsinnaavaat?

Akissut:

Naagga, inuerusagaanermik aallartitsisoqarsimanissaa eqqunngilaq. Innuttaasut Niaqornanut uterlutik nuukkusuttut utersinnaapput.

Karrat Kangerluanni annertuumik qaqqamiit sisoortoqarsinnaanera ulorianartorsiortitsivoq. Innuttaasut, Uummannami, Qaarsuni, Niaqornani, Saattuni, Ukku-sissani aamma Ikerasammi najugaqartut sumiiffimmi allami inissiamut attartukamut nuussinnaanissamut neqeroorfigineqarsimapput. Erseqqissaatigineqas-saaq, aaqqissuussinerup taassuma atorneqarnissaa nammineerluni aalajangigas-saammat.

1b. Ilumuunngippat, soq innuttaasut nunaqarfimminnut uteqqissin- naanissaannik periarfissaarussimasut ilisimatinneqarsimappat?

Akissut:

Innuttaasut Niaqornanut uterlutik nuussinnaangitsut pillugu ilisimatinneqarsi-maneriniq Naalakkersuisut ilisimasaqanngillat.

Aammattaaq apeqqut 1-imut akissut takuuk.

Inussiarnersumik inuulluaqqusillunga


Kalistat Lund

Brevdato: 31-05-2021
Sagsnr.: 2021 - 1782
Akt-id: 16862673

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl